

Član 7.

Naknada za rad članova Komisije raspoređuje se na jednake dijelove članovima Komisije.

Izuzetno od odredaba prethodnog stava predsjedniku Komisije koji je ujedno i član Komisije za određenu oblast i članu Komisije zaduženom za dvije faze, naknada se uvećava za 20%.

Član 8.

Za lica angažovana za vršenje tehničkog pregleda, Općinski načelnik putem Službe za urbanizam i prostorno planiranje donosi rješenje o imenovanju i Zaključak o isplati naknade, a zakonom propisane poreze, doprinose i naknade uplaćuje Općina Vogošća od sredstava navedenih u članu 6. ovog Cjenovnika.

Investitor građevine utvrđene bruto troškove uplaćuje na tekući račun Općine u roku utvrđenom u članu 3. stav 2. ovog Cjenovnika.

Član 9.

Isplata naknade članovima Komisije vrši se putem računa kod poslovnih banaka.

Član 10.

Stupanjem na snagu ovog Cjenovnika prestaje da važi Cjenovnik tehničkog pregleda građevina ("Službene novine Kantona Sarajevo", broj 29/19).

Član 11.

Ovaj Cjenovnik stupa na snagu narednog dana od dana objavljivanja na oglasnoj tabli Općine Vogošća, a naknadno će se objaviti u "Službenim novinama Kantona Sarajevo".

Broj 02-19-1732/20

07. decembra 2020. godine
VogošćaOpćinski načelnik
Edin Smajić, s. r.**ISPRAVKE**

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13, 47/13, 47/15, 48/16, 9/20 i 14/20), Sekretar Skupštine Kantona Sarajevo, nakon uočenih štamparskih grešaka u Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst, 14/12, 8/15, 13/17 i 50/20), daje sljedeću

ISPRAVKU

**ZAKONA O ORGANIZACIJI I DJELOKRUGU
ORGANA UPRAVE I UPRAVNIH ORGANIZACIJA
KANTONA SARAJEVO ("SLUŽBENE NOVINE
KANTONA SARAJEVO", BROJ 2/12 - PREČIŠĆENI
TEKST, 14/12, 8/15, 13/17 I 50/20)**

1. U Zakonu o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 50/20), u preambuli umjesto rimskog broja XII, treba da stoji rimski broj XIII.
2. U Zakonu o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 50/20), u članu 1. koji se odnosi na izmjene člana 6., umjesto slova: a), b), c), d) i e) kojima su označeni stavovi ovog člana, treba da stoje brojevi: 1), 2), 3), 4) i 5).
3. U Zakonu o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 50/20), u članu 3. koji se odnosi na izmjenu člana 9.,

umjesto slova (a) kojim je označen prvi stav ovog člana, treba da stoji broj (1).

4. Ova ispravka se objavljuje u "Službenim novinama Kantona Sarajevo".

Broj 01-02-50253-1/20

22. decembra 2020. godine
SarajevoSekretar Skupštine
Aida Zeković, s. r.**SLUŽBENE OBJAVE****UDRUŽENJA / FONDACIJE**

Na osnovu člana 29. stav (1) Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Asocijacija studenata Fakulteta zdravstvenih studija", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "Asocijacija studenata Fakulteta zdravstvenih studija", skraćeni naziv je Udruženje "ASFZS", sa sjedištem u Sarajevu, ulica STJEPANA TOMIĆA broj 1 pod registarskim brojem 2522, knjiga VI registra udruženja, dana 21.12.2020. godine.
2. Ciljevi i djelatnosti Udruženja su: kontinuirana briga o statusnim pitanjima studenata u vezi sa studijem; Udruženje brine o pravima studenata kao i o studentskom standardu; afirmacija moralnih, naučnih, kulturnih i intelektualnih vrijednosti; uključivanje studenata u evropske tokove života, prevazilazeći geografske i političke reorganizacije i ograničenja; zalaganje za slobodu naučnog, nastavnog i obrazovnog procesa, te otvorenog dijaloga sa društvom; uvođenje studenata u obrazovni proces, zatim u naučne i stručne projekte; uspostavljanje međunarodne saradnje na naučno-stručnom, kulturno-zabavnom i sportskom nivou; zastupanje i prezentovanje, prava i interesa studenata pred organima i tijelima Fakulteta zdravstvenih studija, Univerziteta i državnih institucija; učešće u organizaciji tribina, javnih rasprava, seminara, konferencija i drugih kulturnih i obrazovnih manifestacija, značajnih za članove Udruženja; učešće u aktivnostima na ostvarivanju optimalnih uslova socijalno-zdravstvenog i materijalnog statusa studenata, a sve u skladu sa Zakonom.
3. Osobe ovlaštene za zastupanje i predstavljanje su: Nemanja Jovičić - predsjednik Udruženja; Vedina Kučuković - potpredsjednik Udruženja; Sara Bećiragić - generalni sekretar Udruženja.
4. Za izdavanje ovog rješenja Udruženje "Asocijacija studenata Fakulteta zdravstvenih studija" uplatilo je iznos od 100,00 KM naknade za upis u Registar udruženja na žiro račun broj: 141 196 53200084 75.

Broj 03-03-04-15164/20

21. decembra 2020. godine
SarajevoMinistrica
Mersa Kustura, s. r.

(O-908/20)